







915302—  
—915331 III

Mag. St. Dr.














915319

III

R. P. D.  
**VICECOMITE**  
**Polocen. Bonorum.**

*Lun, 24. Januarii 1752.*

**R**ES judicata ex duplici Rotali Sententia suborta approbans Donationem piissimi, ac invicti Poloniae Regis Stephani Battorei, qui post recuperatum cum insigni Victoria à Moschorum Principe Palatinatum Polocensem in hæresim miserè prolapsus, Tempa, Possessiones, Ecclesias, & Bona omnia olim Deo dicata, & ab Infidelibus Ruthenici Ritus prophanata, Sanctæ Romanæ Ecclesiæ in veri Dei cultum restituit,  
A  
eaquē



eaquè omnia de anno 1582. donavit Inclitæ Societati Jesu, sub lege erigendi tum Collegium quinquaginta Religiosorum, qui ad extirpandam hæresim incumberent, tum necessarias Parochias, tum Seminarium pro Adolescentibus, tum Nosocomium pro Infirmis. Hæc, inquam, Res judicata in Devolutivo confirmata fuit in Rota *die 14. Maii elapsi anni*, universo suffragante Auditorio, juxta legem primavæ Commissionis; Quamvis Florianus Hrebnicki Archiepiscopus Polocensis, nomine etiam sui Cleri, judicium subire non curaverit. Cum autem in vim novæ audientiæ adversus hanc resolutionem elargitæ novum hodiè fuerit restauratum super hac re judicata examen, tenaciter persistente eodem Archiepiscopo, quamvis diù lacescero, & expectato, in sua contumacia, & nonnisi ulteriores postulante dilationes, responsum propterea fuit = *In decisis*.

- 2 Validitas, namquæ rei judicatæ nunquam fuit impugnata, illius verò justitia patentissima emergit, ex quo Ven. Collegium Societatis Jesu post jam erectum Seminarium, & Nosocomium, plurimasque institutas Parochias, ac Templâ ædificata, hæc omnia Bona pacificè retinet, ac possidet ab anno 1582. in vim præfatæ Donationis, quæ fuit tanta solennitate expleta coram Senatoribus, & omnibus Regni Proceribus, & quæ de anno 1585. in Supremis Regni Comitibus ab eodem Rege fuit ratificata, & inter sollemniore Regni leges registrata, quæquæ demum de anno 1605. à clar. me. Cardinali Bernardo Macieowski Summi Pontificis Pauli V. Legato à Latere in Regno Poloniae sub speciali S. Sedis Apostolicæ autoritate confirmata fuit. Hæc namque adeò longæva, & pacifica possessio longè transcendens Centenariæ metam nemo inficiatur, quod titulum undequaquè validum, subsistentem, & inelidibilem favore Possessoris subministret, ut ultra *Rot. cor. Lancett. dec. 1235. num. 4. coram Falconer. decis. 2. num. 16. tit. de Emphyt. consentaneè ad Decisiones præcedentium instantiarum, nempe coram bo. me. Cornelio 21. Junii 1726. §. 23. cor. bo. me. Gamaches 23. Novembris 1731. §. 7. firmat mea præcedens Decisio §. 3.*
- 3 Efficacia hujusce centenariæ impugnari nec poterat ex infectione tituli resultantis à defectu voluntatis, & potestatis in Stephano Rege donante. Defectus namquæ voluntatis erui contendebatur, ex quo laudatus Rex motus fuerit ad donandum Ven. Societati Jesu Monasteria, Templâ, & Bona, omnia, quæ olim ad Clerum Græci Ritus pertinebant sub ea falsa credulitate, quod essent *Bona regalia, & ad sui ipsius collationem, & Jus patronatus spectantia*. Cum autem Bona donata non sint *regalia, sed Terrestria*, nempe ab aliis, quàm ab ipso Rege præcedentèr collata in Ecclesias, & Loca Pia, eaquæ de causa sunt omnimodè exempta ab annua præstatione erga



gà Regium Ararium, propterea ex defectu voluntatis Regis donantis hæc Bona in Donatione comprehensa dici nequeunt.

- 4 Hujusmodi tamen voluntatis defectus in antea actis instantiis semper oppositus, nullius semper momenti fuit reputatus. Perlustrato enim Regiæ Donationis Diplomate, tantum abest, illam fuisse restrictam ad Bona regalia, ut immò in ea specialitèr, & nominatim comprehensa quoque fuerunt omnia generalitèr *Bona Terrestria*, & à piis quibuscumque Benefactoribus in Ecclesias, & Loca pia Ruthenici Ritus collata; Id namque præfert tum littera d. Diplomatis exprimentis *Villas, Prædia, aliisque Terrestria Bona*, tum Apostolica confirmatio Donationis peracta à Cardinali Legato à latere. Et quamvis in d. Donatione comprehendantur etiam Bona regalia, & ad Regium Juspatronatus spectantia, non exinde tamen excluditur comprehensio etiam Bonorum Terrestrium, quæ primitus ad Ecclesias, & Tempia Ruthenici Ritus pertinuerant, cum de hisce quoque specifica, & individua mentio habita fuerit; Præcipue quia causa finalis donandi non fuit una, vel altera Bonorum species, sed fuit firma, & inalterabilis Regis voluntas reddendi Deo Bona omnia, quæ jam semel Deo dicata fuerunt, ut, mediante novi Collegii erectione, & dotatione, Catholica Religio restauraretur, & pristino decori restitueretur. Adeo hodierno restricto examine ad ejusdem Donationis subsistentiam, inutilis remaneat quaestio super qualitate Bonorum in ea comprehensorum, ut optimè respondet *Decisio diei 4. Octobris 1726. §. Eiusdemque coràm bo. me. Cornelio, & in altera cor. cl. me. Card. Aldrovando diei 7. Februarii 1729. §. 30. & 32. & sequen.*

- 5 Coequalis levitatis est defectus potestatis in Stephano Rege donante, dum donavit Bona pertinentia ad Clerum, & Ecclesias Ritus Græci. Quandoquidem in facto absolutissimum est, quod Clerici Ritus Græci jamdiu in hæresim prolapsi, non prius ad gremium Catholicæ Religionis remigrarunt, quam de anno 1596. Cum autem Stephanus Rex jam de anno 1579. hæc Bona, & Tempia devastata ab eorum manibus, armorum vi, & jure Belli vindicaverit, eadem Bona procul dubio in dominium, & potestatem S. Sedis, & Catholicæ Romanæ Ecclesiæ transiverunt ad *Textus apertos in Can. Didicimus 24. quæst. 1. Cap. Ad succidendas, ibique Gloss. in verb. Schismaticos de Hæreticis in 6. l. Manichæi C. de Hæreticis.*

- 6 Si itaque idem Stephanus Rex de anno 1582. citrà animum abutendi sua potestate, ac disponendi de hisce Bonis tanquam suis, ea expressè professus fuit S. Romanæ Ecclesiæ, & Apostolicæ Sedi restituere, fundando, & dotando Collegium prò extirpanda funditus hæresi, ac Catholica restauranda Religione; Si hoc Regis factum, adeò pium, & laudabile successivè approbavit Sedes Apostolica tum expressa mediante confirmatio-



ne hujuscæ Donationis Cardinalis Legati à Latere in Regno Poloniae, tum etiã tacitè per longævam, ac nunquã interruptam observantiam annorum 140., profectò inutilitèr impugnari auctumatur præfata Donatio ex defectu potestatis, sive ex quo fuit simplex restitutio Bonorum facta Deo, & Romanæ Ecclesiæ ad extirpandam hæresim, & Catholicam Religionem propagandam; Sive quia tanquam confirmata à S. Sede in forma specifica, perinde censerì debet, ac si ab ipsomet Summo Pontifice expleta foret ad firmata in *Decisionibus aliarum Sententiarum*, & in mea præcedenti §. 5. docent Card. de Luc. de Regalib. disc. 3. de Feudis, disc. 5. utrobiquè num. 9. Rot. in rec. decis. 145. n. 4., & 5. par. 7., cor. Falconer. tit. de Benefic. dec. 5. num. 17.

7 Nec dubitandum de specifica confirmatione S. Sedis super hac Donatione, eo ipso quod à Cardinali Legato à Latere fuerit Apostolica Auctoritate in omnibus approbata: Quæ quidem Confirmatio expleta à Cardinali Legato asserente ad id speciale habuisse à Sancta Sede Apostolica mandatum, dubium non est, quod confirmationi ab ipsomet factæ æquipolleat, ut, ultra relatos in dicta mea Decis. §. 5., & 6., probant Rot. decis. 817. num. 52. part. 18. Recent., & in Colonien. Jurisdictionis super Bono Iure 29. April. 1744. §. 7. cor. Rmo P. D. Thunn., confirmata 30. Aprilis 1745. §. 4. cor. Me.

8 Hinc nil relevat, quod in Indulto legationis commissæ Cardinali Macieouski non adsit facultas approbandi Donationes de Bonis Ecclesiæ, quæ est Summo Pontifici reservata. Quoties enim prælaudatus Cardinalis ad eam confirmationem devenit non vigore generalis Indulti Legationis, sed illam explere professus fuit in vim specialium Literarum, quas ad hujusmodi effectum à Sancta Sede reportasse asseruit, absonum hodie videtur asseritionem Personæ adeò qualificatæ tam ratione Dignitatis, quàm muneris controversare, etiamsi hæcæ speciales Literas in confirmatione non inferuerit; cum novum non sit, quod Legatis, & Nunciis Apostolicis, præter generales facultates, seorsim aliæ quoque speciales elargiri soleant, ut de facto proprio testatum reliquit clar. mem. Cardinalis Aldrovandus, dum Nuncius erat in Hispaniis, in d. sua Decis. §. 10.

9 Duplici præsertim adstipulante circumstantia, quarum prima est, quod in Indulto Legationis Cardinalis Macieouski San. Mem. Paulus V. expressè jussit, quod in Concessionibus, Dispensationibus, aliisque gratiis plena præstaretur fides ejus assertioni, citra quod teneretur speciales facultates actui inferere; Unde si idem Cardinalis Legatus Donationem confirmare professus fuit *Auctoritate Apostolica, qua fungimur, Nobis per speciales ejusdem Apostolicæ Sedis Literas, ad quarum insertionem non tenemur, concessa* =, jam nemo non videt, quod admodum impossibile videatur huic adeo qualificato Testimonio fidem adimere, ex quo hæcæ speciales Literas in actu Con-

fir-



firmationis non inferuerit, ut observat dicta mea Decisio §. 7. ; Altera vero circumstantia est, quod hodie non agitur de re integra, vel de recenti expleta Confirmatione, sed de actu jamdudum completo, & effectuato, & per centum, & quadraginta annos observato, in quibus circumstantiis vanum prope modum videtur veritatem tum specialium facultatum, tum assertionem præfati Cardinalis in discrimen revocare, ut præcisè advertit *Rot. in d. Colonien. Iurisdictionis super Bono Jure*, §. 7. *coram Rmo P. D. Thunn.*, & *in Confirmatoria* §. 4. *coram Me.*

10 Huic expressæ Confirmationi consonat tacita, & virtualis deprompta ex observantia hujuscæ Donationis centum, & quadraginta annorum usque ad diem initi Judicii; Cum enim ex vi centenariæ quicumque melior de Mundo titulus præsumi possit, ad tradita per *Carol. Anton. de Luc. de Apost. Reg. Assen. quæstion. 200. num. 6.*, *Rot. dcc. 656. num. 89. part. 19. Recent.*, idcirco nedum ex hac adeo longævi temporis observantia probatæ remanent speciales facultates Apostolicæ Sedis, ex quibus Cardinalis Legatus Donationem confirmavit; Verum insuper eadem exuberat ad præsumendam ex integro superventam etiam ipsiusmet Summi Pontificis approbationem ex relatis *in dict. decis. clar. mem. Card. Aldrovandi* §. 13., & *in d. mea ultima* §. 8.

11 Citra quod huic centenariæ observantiæ opponi possit productio tituli Donationis, qui tanquàm invalidus ob defectum Pontificiæ Confirmationis adimat facultatem allegandi ex centenariæ meliorem quemlibet de Mundo titulum; Ultra quod enim hæc tituli productio expleta fuit absque ulla restrictione ad illum, insuper titulus Donationis productus fuit non tanquàm ex se, habilis, sed unitim, & conjunctus cum ejus Confirmatione, tributa ex autoritate Apostolica à Cardinali Legato; ideoque validus undique, & subsistens, nec ullo modo vitiosus reputari valet. Observantia verò centenaria, quæ allegatur ad removendas extrinsecas exceptiones, quæ huic Confirmationi opponuntur, non adducitur ad creandum novum titulum primi destructivum, sed ad illum semper magis, magisque confirmandum, & validandum, pro cujus effectu nemo est, qui ignoret, quod è conspectu hujuscæ centenariæ observantiæ quamlibet conticescere oportet oppositionem, ut in specie ponderat *Rot. dec. 218. num. 18. dec. 290. num. 19.*, & *sequen. part. 18. Recent.*, & *in Placentina Decimarum 16. Maji 1710. §. Postremo cor. bo. me. Ansald.*, & *in dicta mea decis.* §. 8.

12 Longè minus centenariæ efficacia debilitari poterat vel ex ignorantia Archiepiscoporum, vel ex molestiis variis temporibus illatis Collegio Societatis Jesu, signanter recursum ab Archiepiscopo habito de anno 1668. ad Sacram Congregationem de Propaganda Fide, quæ rescripsit = *Nuntio pro Concordia* =; Vel demum ex quadam protestatione ejusdem Archiepi-



chiepiscopi de anno 1701. ; Ultra quod enim in diametro pugnat ignorantia Archiepiscoporum cum molestiis ab ipsis illatis ; Et post lapsum annorum centum nulla est amplius allegabilis ignorantia , dum ex adeo vetustissimo tempore perfecta scientia præsumptione juris , & de jure inducitur juxta firmata per *Mascard. de probat. conclus. 1214. num. 52. , Cancr. var. resolut. part. 3. cap. 4. num. 160. , Rot. cor. Molin. dec. 527. num. 7.*

- 13 Insuper cum agatur de Donatione eximia cum solennitate à Rege publicè , & palam expleta , se se eidem subscribentibus Proceribus , & Senatoribus , in Volumine Legum Regni registrata , & ab eodem Rege donante in Supremis Regni Comitibus , accedente omnium Ordinum consensu confirmata , ac præstò quoque sint tot sonora facta Archiepiscoporum Polocensium , qui de annis 1595. , 1599. judicialiter compulsi ad restituenda nonnulla Bona in hac Donatione comprehensa , judicio quieverunt , & paruerunt , signanter vero illud B. Josephat Archiepiscopi pariter Polocensis , qui anno 1612. , apprime agnito bono jure Collegii Societatis Jesu , illicò eidem restituit Prædium , quod retinebat , quodque in eadem Donatione erat comprehensum , asserens id explere in obsequium veritatis , & justitiæ . Quibus propterea concurrentibus adeo qualificatis actibus tot præstantissimorum Archiepiscoporum , nedum remanet exclusa qualibet ignorantia , sed in immensum excrescit vis , & efficacia plusquam centenariæ observantiæ , quæ pro validitate , & subsistentia hujusce Donationis militat , ut mirificè exornant tum *decis. dici 21. Junii 1726. §. Itaque , tum altera 4. Octobris ejusdem anni §. Absque cor. bo. me. Cornelio , & d. mea præcedens Decisio §. 11.*
- 14 Respectu vero molestiarum , illarum , quæ fuerunt illatæ ab anno 1582. usque ad annum 1596. à Theophanes Archiepiscopo , omitti certè poterant , tum quia longissimè præcesserunt centenariam postea effluxam , tum & fortius quia prodierunt eo tempore , quo idem Archiepiscopus , ac ceteri Russiæ Episcopi erant adhuc hæretica pravitate infecti , ut probatur ex Testimonio Magnatum Palatinatus Polocensis , Vittebesensis , & refert *Card. Baron. in dissert. de Ruthenis impress. tom. 7. annal. à num. 5. ad sequen. , & ex Bulla San. Mem. Clementis VII. , ideoque nullum jus super eisdem Bonis sibi adscribere poterant ex firmatis in secunda decis. coram bon. mem. Cornelio §. Nec subsistere , & in altera coram clar. mem. Card. Aldrovando §. 24.*
- 15 Protestationes autem anni 1604. , cum non processerint à Clericis , vel ab Ecclesiis ad gremium , & unionem S. Sedis Apostolicæ reversis , attendi non debent. Recursus vero anni 1668. ad Sac. Congregationem de Propaganda Fide cum rescripto ad Nuncium pro Concordia , eo nec amplius uti ausus est Archiepiscopus sui mali juris plenissimè conscius . Reclamatio vero moderni Archiepiscopi , quæ asseritur de anno 1701. , quamvis non prius



prius quam de anno 1725. expleta fuerit , utpotè emissa pendente jam hoc litigio , nullius efficaciam reputari valet . Et de-  
 mum cum hæc omnia non prætergrediantur limites actuum me-  
 re extrajudicialium , & verbalium conquestionum , nulla præ-  
 missa interpellatione , vel citatione Collegii , apta neutiquam  
 considerari possunt ad vim , & effectum centenariæ interciden-  
 dum , ut unanimiter firmatum fuit *in d. decis. coram clar. me-  
 mor. Card. Aldrovando §. 18. , & in altera bo. me. Gamaches  
 23. Novembris 1731. §. Nec vires.*  
 Et ità omnibus RR. PP. Suffragantibus resolutum fuit , uni-  
 ca &c.

ROMÆ , MDCCLII.

---

Ex Typographia Reverendæ Camera Apostolicæ .  
*Superiorum Permissu .*







B 6008 5





